

天下郡國利病書卷六十六

崑山顧炎武寧人輯
成都龍萬育燮堂訂

蜀中風俗記

漢地理志云人食稻魚俗不愁苦而輕易淫佚然地沃人驕奢侈頗異人情物態別是一方

隋地理志云蜀地四塞山川重阻水陸所湊貨殖所萃蓋一都之會也風俗大抵與漢中不別其人敏慧輕急貌多叢陋頗慕文學時有斐然多溺于逸樂少從宦之士或至耆年白首不離鄉邑人多工巧綾錦雕鏤之妙殆侔于上國貧家不務儲蓄富室重於趨利其處家室則女勤作業而士多自閑聚會飲宴尤足意錢之戲小

卷六十六

四川二

一

人薄於情理父子率多異居其邊野富人多規固山澤以財物雄役夷獠故輕爲奸藏權傾州縣此亦其舊俗也

益都耆舊傳云楊統曾祖仲續舉河東方正授郫令甚有德惠人爲立祠樂其風俗於是居焉漢世揚雄之先揚季官至廬江太守元鼎中辟仇泝江處岷山之陽曰郫有田一廛有宅一區世世以農桑爲業其俗之隩厚可知也温江如郫所分益州記云彭之土地肥良比於郫邑號小郫矣江原之地特好美田葛公云益州所需悉仰於蜀卽此華陽國志稱其俗好歌舞危絃促管聲

尤激切而陸游謂唐安有三千官柳四十琵琶也永康圖經其俗則悍頗尙氣節而雜夷風縣西五十里有蠶崖關以阨西山之走集而邊徼從此分矣

威茂古冉駹地剛鹵不生穀粟麻菽惟以麥爲糧自古及今至無兩稅寰宇記云州本羌戎之人好弓馬以勇悍相高詩禮之訓闕如也男子衣褐羊皮鞞鞞婦人多戴金花串以瑟瑟而穿懸珠爲飾疊石爲礫以居如浮圖數重門內以楫上下貨藏于上人居其中畜圈于下高二三丈者謂之雞籠十餘丈者謂之碉亦有板屋土屋者自汶川以東皆有屋宇不立碉巢豹嶺以西皆織

卷六十六

四川二

二

毛毯蓋屋如寄廬其地多冰寒盛夏凝凍不釋夷人冬則辟寒入蜀傭賃自食夏則辟暑反落歲以爲常故蜀人謂之作五百石子也西入松州苦寒特甚日耕野壑夜宿碉房刻木器以成交易炙羊膀以斷吉凶人人精悍習戰鬪矣

簡州治陽安宋關耆孫碑陰記云東普慈西成都有東野樸有西知文蓋嘗出磊落瑰奇之士焉紹興黎持道院記云陽安都於會府而有江山之勝處於高仰而有魚稻之饒民李獄江北之旁郡十無一二凡隱於吏者樂趨焉人目之爲西州道院寰宇記云郡有獯人言語

與夏不同嫁娶不同但鼓笛而已遭喪乃以竿懸布置其門庭殯於別所至其體骸燂以木函盛置于山穴中按李膺亦北四郡獯也而今則又質彬彬矣資中或治盤石或徙內江謂之中水也圖經云王褒起資中以文詞顯於是東梓爲多士之國劉光祖記云蜀東十數郡山水之秀不敢與資中抗文物亦然

陵州以鹽井爲業以道陵得名丹淵集云州在崎嶇山谷之中城壘邑屋與巒嶺澗谷相爲上下所領縣四戶口裁三萬稅錢三千三百緡租不滿萬石土田瘠鹵民頗善耕稼然其性椎魯質各守護本業不喜作訢訟事

卷六十六 四川二

三

又郡縣志云俗愿慤而好靜公議而無私有古淳質之風今亦恐漸訛矣

漢益州或治廣漢或治縣竹古語云大旱不旱蜀有廣漢蜀記云侵以縣雒故廣漢謂之淵口也新都與成都廣都名爲三都之一故號名城兼有金堂山焉縣竹以姜詩力孝宅曰沅鄉以任安教授俗侔洙泗德陽有望秦之里彰明有廉遜之泉皆以人重

郡國志云左縣界東西二川北負梁雍風氣所濡各得其偏故其俗文而不華淳而不魯剛而不狠柔而不弱三國志先主入涪宴於山上顧謂龐統曰此州之民其

富樂乎陳谿唐昌草市記曰諸葛武侯以蜀脞脆故令
隣邑翊日而市意在習其筋力而候征徭之人每及上
春以蠹爲名因定日而有所往也

寰宇記云龍州風俗與劍州同然山高水峻人多瘡而
痴聾蓋山水之氣使然

江油令許醇民謠序所向皆山石少平陸罕鼓稻人皆
仰食於縣並隣邑舊經云岩居谷處多學道經罕有儒
術

嘉州教授任熙明題名記云蜀爲西南巨屏由漢以來
號爲多士莫盛於眉益二邦而嘉定次之張剛通義圖

卷六十六

四川二

四

序云後世以蜀學比齊魯而蜀之學者亦盛獨於通義
政和御筆西蜀惟眉州學者最多傾譙樓記云其民以
詩書爲業以故家文獻爲重夜燃燈誦讀之聲朗朗相
聞矣

蘇軾遠景樓記云吾州之俗有近古者三士大夫貴其
經術而重氏族其民尊吏而畏法其農夫合耦以相助
蓋有三代漢唐之遺風而他郡莫之及也始朝廷以聲
律取士而天聖以前學者猶襲五代之弊獨吾州之士
通經學古以西漢文詞爲宗師方是時四方指以爲迂
濶至於郡縣胥吏皆挾經載筆應對進退有足觀者而

大家顯人以門族相尙權次甲乙皆有定品謂之江鄉非此族也雖貴且富不通婚姻其民事太守縣合如古君臣旣去輒畫像事之而其賢者則紀錄其行事以爲口實至四五十年不忘富商小民常儲善物而別異之以待官吏之求家藏律令往往通念而不以爲非雖薄刑小罪終身有不敢犯者歲二月農事始作四月初吉穀稚而草壯耘者畢出數十百人爲曹立表下漏鳴鼓以致衆擇其徒爲衆所畏者二人一人掌鼓一人掌漏進退坐作惟二人是聽鼓之不至至而不力皆有罰量田計功終事而會之田多而丁少則出鈔以償衆七月

卷六十六

四川二

五

旣望斬乂而草衰則仆鼓而決漏取罰金與償之錢買羊釀酒以祀田祖作樂與食醉飽而去歲以爲常其風俗蓋如此故其民皆聰明睿知務本而力作易治而難服守令始至視其言語輒了其爲人其明且能者不復以事試終日寂然苟不以其道則陳義秉法以譏切之故不知者爲難治云

文同桂花閣記畧云邛爲要州服物繁縟俚師陋目亦備文采章逢彬蔚實逾于他邦矣

華陽國志云秦惠文始皇克定六國輒徙其豪俠於蜀資我豐土家有鹽銅之利戶專山川之材居給人足以

富相尙故卓王孫家僮千數程鄭各八百人蕭鼓歌吹擊鐘肆懸富侔公室豪過田文漢家食貨以爲稱首蓋亦地沃土豐奢侈不期而自至也宋上行曰此郡昔有四利今有四害曰茶曰鹽曰鐵曰酒他郡或有共一或有其二而吾邛獨全者以爲利國競豪富今以爲害民皆貧薄矣

梁益志云大小漏天在雅州西北山谷高深陰晦多雨舊說黎州常多風雅州常多雨故謂黎風雅雨九州要說云沉黎縣郡諸葛武侯征羌之路也每十里作石樓令聲援相應今黎人仿之所居悉以石爲樓地多長松

卷六十六

四川二

六

而無雜木孫漸清嘯樓記衿帶邛笮羈諸蕃郡縣志云宋初曹光寔父子能以忠義奮迨皇祐始有登科者寰宇記云黎州蕃部與漢人博易不使見錢漢用紬絹茶布蕃用紅椒鹽馬又云邛雅之夷獠婦人娠七月而產產畢置之水中浮者取養沉者棄之千百無一沉者長則拔去上齒加狗牙以爲華飾今有四牙長于諸牙而唇高者別是一種能食人無長齒者否俗信妖巫擊銅鼓以祈禱至今廬山縣新安鄉五百餘戶卽其遺人也

敘南古戎州取西戍卽敘之義蜀人呼敘爲遂不知何

所本華陽國志稱其民徵巫好鬼妖圖經云夷夏雜居風俗各異蓬戶茅簷髻髻詭服頓首拊掌爲歌

江陽土地雖迫山川特美鹽井魚池一郡豐沃華陽國志云俗好文刻少儒學多樸埜蓋天性也漢光武時破謫不使冠帶者數世其後文風則自宋尙書楊汝朋始初五峰書院以爲士友會課之所而士翕然興起矣戎瀘皆有諸葛武侯廟每歲蠻人貢馬相率拜於廟前慶符有順應廟乃祀馬援者歲以三月二日致祭馬湖之夷歲暮百十爲羣擊銅鼓歌舞飲酒窮晝夜以爲樂其所儲蓄弗盡弗已謂之諸葛夷法

卷六十六

四川二

七

寰宇記云大凡蜀人風俗一同然邊蠻界鄉村有獠戶卽異也今渝之山谷中有狼但鄉俗構屋高樹謂之閣閑不解絲竹惟坎銅鼓視木葉以別四時父子同諱夫妻共名祭鬼祈福是所異也

華陽國志涪陵山險水灘人性戇勇多獯蠻之民縣邑阿黨鬪訟必死無蠶桑好文學漢時赤甲軍常取其民蜀丞相亮亦發其勁卒三千人爲連弩士其性質直雖徙他所風俗不變

巴子之時陵墓多在枳其畜牧在沮今東突碇下畜沮是也又立市於龜亭北岸今新市里是也龜陵志云風

上煦煖五月半早稻已熟便可食七八月間收割已是故有樂溢之號

水經注云平都縣有天師治兼建佛寺甚清靈縣有市肆四日一會南賓郡所轄也忠州題名記云有巴蔓子仗節死義之遺風焉故土頗尙氣有甘興霸文廣林任俠之餘烈故士多倜儻黃魯直回賢閣序云郡自開元以後迄於會昌劉士安陸敬輿李宏憲白樂天四君子者相繼出守凜然猶有生氣忠義每以此自負而郡守至者必矜式焉

黔州圖經地近荆楚候如巴蜀五溪衿帶爲一都會路

卷六十六

四川二

八

途濶遠亦無館舍凡至宿泊多依溪岩就水造餐鑽木出火黃魯直與王太虛書曰某屏棄不毛之鄉以禦寇魅耳目昏塞黔中一老農耳其作縣題名記云黔江縣治所蓋未開黔中郡時歌羅蠻聚落也於今爲縣二鄉七里戶一千有二百其秋賦傭雇不登三十萬錢以他產役於公者八十有五其義軍三千九百招諭夷目將其衆者五百七十其役於公之人質埜畏事大畧與義軍夷將領不殊也使之非其義或跳梁不爲用決訟失其情或擄掠以償值暗則小智者亦混疆畔而爲欺懦則細黠吏能用其相市麝臍以百計市蜂蠟以千許貧

則夷以長吏爲侮寬則以利啗胥徒而苟免猛則鳥獸駭而走箐中矣令得其人櫛垢爬痒民以安堵而異時號爲難治吾不知其說也

常璩志郡與楚接人多勁勇少文學有將帥才宋何郟夫子殿記云夔爲州也於東最大其風俗嗜好語言較荆楚不甚遠當列國時楚顯者多良才夔爲楚疆至今未聞有用儒顯者民家子弟壯則逐魚鹽之利富有餘資輒以奉祀鬼神他則不暇知耳李貽孫都營府記云其人豪其俗信鬼其稅易徵其民不偷也

宋肇詩序夔冬煖雪不到地惟山高處白杜詩注云峽

卷六十六

四川二

九

土礲确煖氣旣達故名燒地而耕謂之火畊

開州都梁南浦雲安皆漢胸臆縣也注云其地下濕多胸臆虫故名此蟲爲瘴善中人辟之則吉盛山學記云士以績文相高有温邊柳公綽之餘烈梁山軍題名其民未嘗造難聽之訟以混有司守居蕭然閱旬無訟牒至廳下軍西之田獨平衍可畊前涪後峽挾以夔萬皆崇山環委南浦記云土地多泉民賴魚罟西魏於此置魚泉縣也

通州圖經云水航於蜀陸肩於雍樓雉丹漆塵用珠玉土居千萬戶水居一十戶九域志云男女不耕桑貨賣

用雜物以代錢常氏馬鳴山志稱其持金易泉絲者不絕於道矣

大寧監圖經云一泉之利足以奔走四方吳蜀之貨盛萃於此監地接胸臆多瘴土人以茱萸咽茶飲之可辟嵐氣以其味辛名曰辣茶題名記大寧僻在東南軒冕者寡而封畛之內皆樂善之編氓也

夫竹枝者閭閻之細響風俗之大端也四方莫盛於蜀蜀尤甚於夔杜子美白帝詩云破甑蒸山麥長歌倡竹枝萬州圖經云正月七日鄉市士女渡江南蛾眉磧上作雞子卜擊小鼓唱竹枝歌開州志云俗重田神男女

卷六十六

四川二

十

皆唱竹枝巫山志云琵琶峰下女子皆善吹笛嫁時羣女子治具吹笛唱竹枝詞逆之則夔俗比比如是矣劉禹錫竹枝詞九首序云四方之歌異音而同樂歲正月余見建平里中兒聯歌竹枝吹短笛擊鼓以赴節歌者揚袂彫舞以曲多爲賢聆其音中黃鍾之羽卒章訐激如吳聲雖儻儻不可分而含思宛轉有淇澳之艷音屈原居阮湘間其民迎神詞多鄙陋乃作爲九歌到於今荆楚歌舞之故余亦作竹枝九篇俾善歌者颺之附於末俾後之聽已歌者如變風之自焉

遵義圖經云其俗敦龐淳固以耕植爲業鮮相侵犯天

資忠順悉慕華風

元史地理志云夷夏雜處遵文教守禮法夷椎髻披毡以射獵伐山爲業信巫鬼好詛盟

方輿勝覽云累世爲婚姻以銅器毡刀弩矢爲禮燕樂以鑼鼓橫口歌舞爲樂會聚貴漢服出入負刀弩交易與華人不侵此亦屬縣之大較也

應劭風俗通云閬中有渝水賓民多居水左右天性勁勇初爲漢前鋒陷陣銳氣喜舞帝善之口此武王伐紂之歌也乃令樂人習學之今所謂巴渝舞也隋書地理志稱其風俗與漢中不別質樸無文不甚趨利雖蓬室

卷六十六

四川二

十一

柴門食必兼肉好祀鬼神尤多忌諱家人忌死輒離其故宅崇重道教猶有張魯之遺風焉每至五月十五日必以酒食相饋賓族聚會有甚於三元時按蒼溪志北八十里有岐平鎮每五月初間四方商賈輻湊貿易以萬計號爲岐平會亦古今相沿之槩也

宋太守李獻卿南樓詩序地方燠氣清民淳事簡馮忠恕記云其地平衍而沃其民恭儉而文其西南爲佳郡不減成都

利州圖經呼爲小益對成都爲大益也舊志云自城以南純帶巴音由城以北雜以秦語

漢李尤蜀記蜀山自縣谷葭萌道徑狹窄北來担負者
不容易肩謂之左擔道故少陵愁坐詩云葭萌氏種迫
左擔大羊存
保寧一府四月新絲出輸縣官緡過此則逋負矣俗因
謂之吞糧
十道記云廣漢之地有鹽井銅山之利蔬食果實之饒
此後漢馮灝刺奢之說所出作也玉堂遺範授高瓌劍
南東川節度使制云梓潼芋區賢彥徊翔者矣舊經稱
其俗好勝尙氣不恥貧賤士通經學古罕爲異習豈非
相沿以使云然歟

卷六十六

四川二

十二

文同樂間堂記中江爲梓之三萬戶縣生齒旣衆分地
旣陋其爭鬪之辨侵越之訴悉已遽作紛於交衍鞭之
庭而械之獄者亡虛日所決一未厭其願則號冤唱屈
奔走跳盪於勸農使前者絕復續焉士大夫以無可奈
何卽適爲之令者何嘗不望名而起畏河南廖君自福
昌移治于此聞其所以爲政之大抵曰無急擊無緩縱
棼以櫛之結以觸之摩撫柔順規厲陶突善端奸幾觀
聽而盡民自戒告無敢欺瀆曾未逾歲已底無事云
蜀山谷間民皆冠白言爲諸葛孔明孝服所居深遠者
後遂不除出乙卯辟暑錄今蜀人謂之帶天孝

蜀中方物記

川西井

蜀都賦家有鹽井之利華陽國志蜀郡廣都縣有鹽井又有小井十數所犍爲郡牛鞞縣有陽明井鹽又云李冰識齊水脈穿廣都鹽井諸陂池蜀於是盛有養生之饒焉郡國志云唐武德二年分魏城置鹽泉縣以城有鹽井民得採漉爲四方賈舊之地按廣都今雙流牛鞞今簡州魏城今屬左縣也寰宇記云益都鹽井最多而陵井最大在仁壽縣縱廣三十丈深八十丈汲以大牛皮囊刑徒充役甚苦後廢陵井更開狼毒井今之煮井

卷六十六

四川二

十三

是也又云仁壽縣五井二井存曰營井在縣南二十五里隋大業元年開水淡遂廢至乾德三年重開日收鹽四十斤曰蒲井在縣南四十里唐武德初開水淡遂廢至宋太平興國三州重開日收鹽三十八斤五兩三井廢曰賴賓井石井井賴因井

有慶甘井取玉女美麗其鹽味甘爲名又有聶甘井古鹽井也其傍有神廟謂之聶社云

又貴平縣一井曰上平在陵州東北九十三里唐朝日收鹽一石七斗五升與百姓分利魏蜀廢乾德三年重修日收鹽一百七十斤益州記貴平有土井官有兩竈

十八一日一夜收鹽四石如霜雪也

寰宇記云井研縣二十一井曰研井在陵州南百三十六里唐時日收鹽八斗貞觀二十一年崩壞總章二年重修僞蜀淺塞宋乾德三年重開日收鹽四十九斤曰志陵井在州南一百九里唐時官私日收鹽五斗五升龍翔元年壤上元元年重開僞蜀淺塞乾德二年重開日收鹽三十斤一十兩曰陵井在州南百里日收鹽五十三斤八兩日律井在州南九十里日收鹽五十五斤曰田井在州南百五十一里日收鹽三十六斤俱乾德重開已上五井存曰獠毋曰還曰賴倫曰石烈曰范曰

卷六十六

四川二

十四

宋曰桶曰柳泉曰賴郎曰遮曰新曰董科曰潘今日曰小羅曰依郎曰帶已上十六井廢

寰宇記始建縣七井曰羅井井舊廢至宋乾德三年重開日收鹽三十五斤今存曰塔泥井石縫井賴胡儒井赤石井賴子井賴口井已上六井廢

文同丹淵集云井研縣自慶歷以來始因土人鑿地構竹謂之卓筒井以取鹽井私煉鹽色後來其民盡能此法爲者甚衆遂與官中畧出少月課乃倚之爲奸恣用鑄卓廣專山澤之利以供侈靡之費豪家至有二三十井其次亦不減七八向來朝廷嘗亦知其如此剗置無

已深慮寢久事有不便遂下本路轉運司止絕不許開造今本縣界內已僅及百家其所謂卓筒井者以其臨時易爲藏掩官司悉不能知其實多少數目每一家項役工匠五十人至二三十人皆是他州別縣浮浪無根著之徒抵罪逋逃變易姓名來此傭身賃力平居無事則俯仰抵折與主人營作一不如意則遞相煽誘羣黨誰言算索工食偃蹇求去聚墟落入鎮市飲博奸盜靡所不至已復又投一處習以爲常按始建今入井研縣

沈存中夢溪筆談陵州鹽井深五百餘尺皆石也上下

卷六十六

四川二

十五

甚寬廣獨中間稍狹謂之杖鼓腰舊自井底開柏木爲幹上出井口自木幹垂綆而下方能至水井側設大車絞之歲久井幹摧敗屢欲新之而井中陰氣襲人入者輒死無所措手惟候天雨則陰氣隨雨而止稍可施工雨晴復止後有人作木枋蓋井上中滿貯水盤底穿小竅灑水一如雨點謂之雨枋令水下終日不絕如此數月井幹爲之一新而陵井之利復著

川南道

華陽國志安南縣有鹽漑灘李冰所平也在漢有鹽井按今嘉州之紅崖是其故處矣寰宇記云滎川有鹽井

五十七所朝野雜記云彭山有瑞應井味稍硝得隆榮鹵餅雜煎之然後成元豐崇寧兩嘗禁止以食者多病故也

杜預益州記云益州有卓王孫井舊嘗于此井取水煮鹽又火井縣西五里有靜邊鹽井皆邛州地華陽國志孝宣帝地節中穿蒲江鹽井二十所增置鹽鐵官寰宇記蒲江縣金釜等八井見歲出課鹽六萬三十斤東坡志林云蜀去海遠取鹽於井陵州井最古濟州富順監亦久矣惟鹽州蒲江縣井乃祥符中民王鸞所開利人爲至厚焉雅安志州南十五里多白石鹽土人鑽取之

卷六十六

四川二

十六

名曰鹽崖

華陽國志江陽縣有富義鹽井以其鹽最多出商旅輻輳言百姓得其饒富故名按此井深二百五十尺鑿石以成鹽泉口俗亦稱玉女泉也乾德四年割爲富順監而縣廢管鹽井大小十歲出鹽貨三千餘萬貫勝覽云鹽井惟富順監最大舊日爲額八百餘斤今日額止五百餘斤楊光清操嘗記三營富順產鹽其地號爲貪泉富順志云富義井在縣西一里近年爲淡水參溢竈十淘遠近舊井賠課而此井遂廢今鹽井十四曰鄧漆園秦家富小新羅未謝家來周泉狗鳴鶴圓埧羅芹月岩

溪口闌柵者是

長寧縣溝井在縣北寶屏山下輿地紀勝云溝井脈二
一自對溪報恩寺山陟度溪而入嘗夜有光如虹亂流
而濟直至井所一自寶屏隨山而入謂之雌雄水初人
不知有井夷人羅氏漢人黃姓者因牧而辨其鹹僉議
刻竹爲牌浮於溪流約得之者以井歸之漢人得屏聞
於官井遂爲漢有後人立廟祀黃羅二神按十州五團
記羈縻十州獻其鹽池官後爲溝井鹽一統志亦云長
寧治北溝井二脈一鹹一淡取以煎鹽塞其一則皆不
流謂之雌雄井唐貞觀五年置南通州析置鹽泉縣以

卷六十六

四川二

十七

隸之王象之謂敘州近邊之地別無鹽泉意者卽今長
寧之境唐初必輸官矣元歲課辦鹽三十萬斤今歲課
辦鹽四十二萬五千五百斤按唐筠州下有鹽水縣者
是志云筠連縣南二十五里亭臺山像若亭臺狀溪邊
有鹽井卽木桶井

吉州劉立之通判瀘州州有鹽井蜀人姓王蒙正者請
歲倍輸以自占蒙正與莊獻明肅太后連姻轉運使等
皆不敢予奪君曰倍輸於國家猶秋毫耳奈何使貧民
失業遂執不與見歐陽墜傳華陽國志定笮縣渡瀘水
賓剛徼曰摩沙夷有鹽池積薪以齊水灌而後焚之成

鹽漢末夷皆錮之張嶷往爭夷帥岑槃本明不肯服嶷擒而殺之厚賞餘顛乃安今北沙河是也

川東井

華陽國志巴郡臨江縣枳東西百里接胸臆有鹽官在監塗二溪一郡所仰其豪門亦家有鹽井水經注云江水又東逕臨江縣南王莽之監江縣也自縣北入鹽井溪有鹽井營戶溪水沿注江矣郡志云武隆縣距白馬津東三十餘里江岸有鹽泉初定康中有程運使舟次鵲孝聞江中有硫黃氣襲人謂此必有鹽泉駐舟召工開之果得鹹脈是時兩岸新蒸贍足民未知烹煎之法

卷六十六 四川二

十八

乃於忠州還井竈戶十餘家教以煮鹽之法未幾有四百餘竈由是兩岸林木芟薙童然寰宇記彭水縣東九十里有鹽井一今昌元縣南北五十里井九山側亦有鹽井

荊州圖經云八陣圖東南三里有一磧東西百步南北廣四十步磧上有鹽井泉五口寰宇記云夔州永安宮南磧上鹽井以木爲桶昔常取鹽卽時沙壅冬出夏沒又云諸葛鹽井有十四自山下至山上其十三井常空盛夏水漲則鹽泉迤邐遷去於江水之左不汲荊州記云胸臆縣北岸有陽溪漢南有鹽井一百二十所按陽

溪水源出雲安縣北六百里又水經注胸臆縣翌帶鹽井一百所巴州資以自給粒大者方寸中央隆起形如張傘故因命名傘子鹽有不成者形亦必方異於常鹽王隱晉書地道記曰八湯口四十三里有鹹石大者如升小者如拳煮之水竭而鹽成蜀火井之倫水火相涓乃住矣水經注建平郡北井南縣有鹽井井在縣北故縣名北井建平一郡之所資也

宋開寶六年以夔州大昌縣鹽井鎮治大寧監治距寶山十有七里距大昌六十九里其上多石剛裂不受陶冶官民屋宇多覆茅竹及板以瓦者無幾突小不謹輒

卷六十六

四川二

十九

火飲食旋給不憂凍餒不織不耕恃鹽以易衣食

淳化中將作監丞需說知監事見井場人戶爭汲強弱相凌多抵於訟乃於穴旁剏石爲池以瀦水外設橫板三十竅承以修竹謂之筧筒蓋鹽泉初出勢暴不可遏故疏池爲墟爲三殺之泉灌旣平均節入筧無復奔衝不平之患矣至嘉定中歲久弊滋事聞於朝遺榮州資官令孔嗣宗接治窮訪民瘼有不便者皆除之泉自穴大筧跨溪爲篴而分之南得十三北視南加二各立長以司其平歲一易筧其法視舊益詳矣民爲立祠號孔長官相

□氏遊蜀記云通開二州有鹽漆之利宣漢長腰井場
鹽源出大江龍骨窟中灘名羊門兩崖峭峻鹽源自出
遂煎成鹽寰宇記云開縣温湯其井有三曰柏木曰龍
馬曰杉木俱成白鹽

川北井

華陽國志巴西郡南充國縣和帝時置有鹽井蜀都賦
江充國縣有鹽井牧十益州記曰南充縣西南六十里
有昆井卽古鹽井也南部志縣西五十里宗馬寺有寶
井出鹽日可易一馬人共宗之故名寰宇記云新井縣
武德元年割南郡普安地置界頗有鹽井因斯立名晉

卷六十六

四川二

二十

太康地記曰梓潼縣出傘子鹽九州要記云去武縣鹽
井近江水淡煎鹽不成飛鳥縣管井七見煎三井餘塞
寰宇記云郫縣鹽井四十三眼二十二眼見煎餘廢志
云梓州舊有鹽井有僧一新者不知何代人指地教人
鑿井鹽泉涌出爲利無窮及卒土人立寺奉其遺軀爲
塔祀之

寰宇志涪城縣管鹽井五十五所十服煎餘塞又云富
國監者本梓州郫縣富國鎮新井煎鹽之場也宋置監
以董其事兼領通泉飛鳥等井地去梓州九十里又云
通泉縣管鹽井七十四所

蜀記云靈江東鹽亭井古方安縣地周地圖記梁大同九年於此立亭因井名縣管鹽井三煎一有女徒山在縣東二十五里從閬州新井縣界來故老相傳昔有女徒千人於通泉縣康督井配役遇賊於此乃於山頂置柵禦捍遂破賊俗謂之置祠今富順鹽井皆婦人推車汲水由此而論則女徒之山可錄矣寰宇記東關縣管鹽井四見煎三井餘廢永泰縣管鹽井五

井課

杜氏通典云蜀通陵縣等十州鹽井九十所每年課鹽都當錢八千五十八貫注云陵州鹽井一所課都當錢

卷六十六

四川二

二十一

一千六十一貫絳州異四所都當錢二百九十二貫資州異二千八所都當錢一千八十三貫瀘州井五所都當錢一千八百五十貫榮州井十三所都當錢四百貫梓州都當錢七百十七貫遂州四百十五貫閬州一千七百貫普州二百七貫果州二十六貫

圖經云唐萬歲通天二年右補闕郭文簡奏陵井監賣水一日夜得四十五函半百姓貪利失業長安二年倍賣水依舊稅鹽先天二年加課利歲有三千六百二貫僞蜀時井塞宋乾德三年平蜀陵州通判賈璉重開舊井一晝夜汲水七十五函每函煎鹽四十斤日獲三千

斤至雍熙元年春冬日收三千八百七十斤春夏口收三千四百四十七斤蓋水源之有長短也朝楚雜記仙井水產鹽二百餘斤隸鹽運司蒲江亞之隸總領所大寧鹽二百五十餘萬斤歲取其四分隸總領所溝井鹽四十餘萬斤歲取其五贏萬餘緡爲軍食之用自祖宗以來民間自煮鹽歲課利錢八十萬緡趙應祥變鹽法增至四百餘萬緡又逃絕之井許人增其額以承認鹽旣益多遂不可售紹熙三年楊嗣勛總計棧閣助筒二千鹽由是頓易自後井戶稍紓而民間食鹽愈貴矣

卷六十六

四川二

二十二

大平興國初有司言昌州鹽歲收虛額十一萬八千五百餘斤及開寶中知州李佩率意陪斂以希課最於歲額外別役部民煮鹽民甚以爲苦轉運使聞詔悉除之夔府舊志昔大寧鹽井隸監淳熙甲辰部使者楊公輔更法歸之漕司監不復與熙寧中歲額二百餘萬斤紹興中以二百四十萬斤爲額閏年加十萬斤爲二百五十萬斤

宋熙寧中蜀鹽私販者衆禁不能止欲盡實私井運解池鹽以足之議未決神宗以問修起居注沈括對曰私井旣容其撥買則不得無私易一切實之而運解池鹽

使一出于官售此亦省刑罰籠遺利之一端然忠萬戎瀘閬夷界小井尤多止之實難若列堠加警恐所得不償所費議遂寢沈括本傳云市易司患蜀鹽不禁欲盡實私井而輦解池鹽給之言者論二事如織皆不省沈括側侍帝顧曰卿知藉車乎曰知之帝曰何如對曰敢問欲何用帝曰北邊以馬取勝非車不足以當之括曰古人所謂兵車者輕車也周旋折旋利于速今民間軸車重大曰不能三十里世謂之太平車但可施於無事之日爾帝曰人言無及此者遂問蜀鹽事對曰臣恐得不償費帝頷之明日二事俱寢

卷六十六

四川二

二十三

井法

類要云鹽泉有綬筵引泉踏溪每人筭用一筵其筭與筵每年十月旦日以新易陳郡守作樂臨之并民□謂之綬筵節

志林云慶歷皇祐以來蜀始開筒井用員刃鑿如盃大深者數十丈以巨竹去節牝牡相銜爲屏以隔橫入淡水則鹽泉自上又以竹之差小者出入井中爲桶無底而竅其上懸熟皮數寸出入水中氣自呼吸而啟閉之一筒水可致數斗凡筒井皆用機械利之所在人無不知後漢書有水鞮此法唯蜀中鐵冶用之大畧似鹽井

取水筒太子賢不識妄以意解非

近時射洪土人馬驥誤鹽井圖記云鹽井其來舊矣先世嘗爲皮袋并圖經三五尺許底有大石則饒課重工力浩巨非一載弗克竣今皆湮沒殆盡不可考民循故業以納課率多重作井制其爲次第在井匠董之凡匠民相井地多於兩河夾岸山形險急得沙勢處鳩工立石圈盡去面上浮土不計丈尺以兄堅石爲度而鑿大小竅馬大竅大鐵釘主之小竅小鐵釘主之釘一也大釘則有釘賴扁竟七寸有輪鋒利穿鑿興井日北口旁立兩木橫一本於上有小木灋子以火掌繩釘末附

卷六十六

四川二

二十四

於橫木灋子上離井六七步爲一木椿斜火掌篾而耦舂之灋竹運釘自上下相乘矣匠氏掌釘篾坐井口旁周遭園轉令其竅員直初則灌水鑿之及二三丈許泉蒙四出不用灌水無論土石釘觸處俱爲泥水每鑿一二尺匠氏命起釘用筒竹一根約丈餘通節以繩繫其梢筒木爲皮錢掩其底其泥水所在匠氏操繩以縮皮畝水入涸滿提出泥水漸盡復下釘鑿焉次第疏鑿不計功程力大較至二三十丈許見紅石若口大竅告成矣隨議下竹竹有水竹樺竹二極木竹取堅也剗大二片以麻合其縫以油灰衅其隙樺竹出馬湖山中亦以

麻裹之木作末爲大麻頭纍纍節合下盡全竹四漬淡水障阻不能浸淫乃截去大鈎頓用鈎稍鑿小竅法如大竅鑿二十丈中見白沙數丈有鹽水數担名曰腰脈冰去鹽水不遠尋鑿之而鹽水淵涓自見也水有廣水晝夜力汲不竭然味近淡有鹹水晝夜計有數然味亦不齊有一担而煮鹽五六斤者有八九斤至十二三斤者顧過何如耳厥土旣就始樹樓架高可似數樓上爲大灤有轆轤聲制筒索吸水如前吸泥水法而摳局則管於車床也床橫木爲枋枋有兩耳作曲池狀左右低昂逆施左揖地右伸右揖地左伸循環用力索盡筒出

卷六十六

四川二

二十五

鹽水就灰筓潑水而煎燒有緒矣轉轆轤者蓋三人爲之力厚者則制牛車車狀丈力逸而功倍也此自成井而論耳若掘鑿之際鈎偶中折而墜其中者或遭淤泥作阻者其出法亦巧而爲器亦異鈎帶火掌箴而墮者以攪鈎鈎出爲力易惟鈎半墮或止墮鈎頭者取之之法制爲鐵五爪如覆手狀爪背入木數寸以竹三尺許劈碎一尺纏扼爪木合堅緻上一尺亦劈碎則活繫槿子鈎不令拘泥倫向中一尺通其節以待槿子鈎假道槿伐垂爪入井爪定所墮鈎頭匠氏從上督索槿子鈎由筒中繫木木擊五爪數擊則爪攫勦鈎頭著牢不

可以游滑自匿雖欲不出不可得矣若被淤泥填溢大
小竅猶關格症然甚者製爲捩子以和解其膠密捩子
者鐵條之有嚙齒者也未甚者製爲漕釘以衝擊其脂
欸漕釘者槿子釘之有嚙齒者也支觶既折則爲刮筒
以取其泥刮筒之制與鹽筒殊科不通其節而每節之
始鑿爲方口投井口汲泥亦如波水或益水可以疏通
翕受泥則踰節不可是匠氏作法意也嗟平一井之成
其次第節目如此亦云勞矣乃勞歸竈丁利歸商販富
竈任逸傭竈任力終歲窮日疲弱若何而征輸又告急
矣至有坍塌而乾賠國課者有逋負而逃徙流離者是

卷六十六

四川一

二十六

在上之人寬一分則民受一分之賜云

蜀都賦云蜜房郁毓被其阜山圖採而得道華陽國志
宕渠縣有石蜜山圖所採也本草石蜜出益州及西戎
煉砂糖爲之成餅塊有黃白色寰宇記茂渠達三州產
蜜資州產甘蔗容齋隨華云糖霜之名唐以前無所見
自古食蔗者始爲蔗漿宋玉招魂所謂臠鼈魚羔有柘
漿是也其後爲蔗錫孫亮使黃門就中藏史取交州所
獻甘蔗錫是也後又爲石蜜南中八郡志曰榨甘蔗汁
曝成飴謂之石蜜本草亦云煉糖和乳爲石蜜是也後
又爲蔗酒唐赤土國用甘蔗作酒雜以紫爪根是也唐

太宗遣使至摩揭陀國取熬糖法卽彷彿州上訪產榨
穡如其劑色味愈於西域遠甚然只是今之砂糖蔗之
技盡于此不言作霜然則糖霜非石也歷世詩人摸奇
寫異亦無一章一句言之唯東坡過金山寺作詩送遂
寧僧圓寶云涪江與中冷共此一味水冰拌荐琥珀何
似糖霜美黃魯直在戎州作頌荅梓州雍熙長老寄糖
霜云遠寄蔗漿如有味勝于崔子水晶鹽正宗歸地從
誰記我舌猶能及鼻尖則遂寧糖霜見於文字者實始
二公甘蔗所在皆植獨福善四明番禺廣漢產寧有糖
冰而遂寧爲冠四郡所產甚微而顆碎色淺味薄纔比

卷六十六

四川二

二十七

遂之最下者亦皆起於近世唐大歷中有鄒和尚者始
來小溪微山教黃民以造霜之法微山在縣北二十里
山前後有蔗田者十之四糖霜戶十之三蔗有四色曰
杜蔗曰西蔗曰芳蔗本草荻蔗也曰紅蔗本草崑崙蔗
曰紅蔗止堪生嚼芳蔗可作沙糖西蔗亦可作霜色淺
土人不甚貴杜蔗紫嫩味極厚專用作霜凡蔗最困地
力今年爲蔗田者明年改種五穀以息之霜戶器用曰
蔗削曰蔗鎌曰蔗凳曰蔗碾曰蔗斗曰榨牀曰蔗瓮各
有制度凡霜一瓮中品色亦自不同堆疊如假山爲上
團枝次之瓮鑑次之小顆塊次之沙脚爲下紫爲上深

琥珀次之淺黃又次之淺白爲下宣和初王黼勅應奉
司遂寧常貢外歲別進數千斤是時所產益奇墻壁或
方寸應奉司罷乃不再見當時因之大擾敗本業者居
半久而未復遂寧王灼作糖霜譜七篇且載其說余採
取之以廣聞也

卷六十六

四川二

二十八

天下郡國利病書卷六十六終